



Reglur um inntöku barna á leikskóla í Norðurþingi

1. Lögheimili barna

Skilyrði fyrir leikskóladvöl barns er lögheimili í Norðurþingi og er farið eftir búsetu forráðamanna samkvæmt þjóðskrá. Foreldrar sem hyggjast flytja til Norðurþings geta sótt um leikskóladvöl, en barn getur aðeins fengið úthlutað leikskóladvöl þegar lögheimili hefur verið flutt.

2. Umsóknir um leikskólavist

Sótt er um leikskóladvöl hjá leikskólastjóra. Sækja má um leikskólavist allt árið en miðað er við að umsóknir um skólavist að hausti þurfi að berast fyrir 1. apríl ár hvert. Þeir sem sækja um leikskólavist eftir 1. apríl geta ekki vænst þess að fá leikskólapláss fyrr en ári seinna. Þetta á jafnt við um forgangshópa sem og aðra. Umsóknir raðast á biðlista eftir kennitölum barna, þau elstu fyrst. Umsóknareyðublöð er hægt að nálgast á www.nordurthing.is

3. Ákvörðun um inntöku í leikskólann

Börn fá leikskólavist að jafnaði á tímabilinu júní til september. Öllum umsóknum er svarað í maí og óskað eftir staðfestingu. Hafni forráðamenn leikskólaplássí færast umsóknin aftast á biðlista.

4. Úthlutun leikskóladvalar

Kennitala barns ræður því að öllu jöfnu hvenær barn fær úthlutað leikskóladvöl.

Hægt er að óska eftir forgangi vegna:

- Barna með sérþarfir
 - Greining þarf að vera fyrirbyggjandi frá viðurkenndum greiningaraðilum s.s. Greiningar- og ráðgjafarstöð ríkisins, sálfræðingum og barnalæknum.
- Barna sem búa við erfiðar félagslegar aðstæður samkvæmt mati Félagsþjónustu Norðurþings og/eða lækna.

Nefnd skipuð þremur fultrúum, einum frá fræðslu- og menningarnefnd, einum frá Félagsþjónustu Norðurþings og einum frá viðkomandi leikskóla, metur beiðnir um forgang sem berast.



NORÐURÞING

KETILSBRAUT 7 - 9 - 640 HÚSAVÍK

5. Uppsagnarfrestur

Gagnkvæmur uppsagnarfrestur er einn mánuður og miðast við fyrsta eða fimmtánda dag hvers mánaðar. Uppsögn þarf að berast með skriflegum hætti til leikskólastjóra. Skuldi foreldrar þrjá mánuði er barninu sagt upp leikskóladvöl.

6. Dvalartími

Opnunartími leikskólana í Norðurþingi er samkvæmt samþykktum sveitarstjórnar hverju sinni.

Hægt er að sækja um breytingar á dvalartíma og skal ósk þar um berast til leikskólastjóra fyrir 15. hvers mánaðar. Þegar unnt er að verða við breytingu tilkynnir leikskólastjóri forráðamönnum það eins fljótt og auðið er. Breytingar miðast við 1. eða 15. hvers mánaðar og skulu gilda eigi skemur en þrjá mánuði.

Ef barn er veikt samfelld í 4 vikur eða lengur er dvalargjald og fæðiskostnaður fellt niður gegn framvísun læknisvottorðs.

Barn í leikskóla skal taka 4 vikna samfelld sumarleyfi ár hvert og eru leikskólagjöld því greidd í 11 mánuði á ári.

Mælst er til að hámarks dvalartími barns í leikskóla sé 8 klukkustundir á dag.

Dvalarsamningur skal gerður fyrir hvert barn þegar það hefur leikskólagöngu.

7. Dvalargjald

Gjald fyrir leikskóladvöl barna er í samræmi við gildandi gjaldskrá hverju sinni.

Samþykkt af bæjarstjórn Norðurþings 19. apríl 2011